

春秋本例

一之十

漢書門類			
二〇六三	架	函	號
一三九	架	函	號
五八五	架	函	號

庫文閣			
二〇六三	架	函	號
一三九	架	函	號
五八五	架	函	號

總經

內閣文庫	
番號	漢 2063
冊數	355 ( )
函號	369



宋崔西疇先生著

# 春秋本例

通志堂藏板

涪陵崔氏春秋本例序

以例說春秋著於錄者鄭衆劉寔之牀例何休之謚

例穎容杜預之釋例荀爽劉陶崔靈恩之條例方範

之經例范甯之傳例吳略之詭例劉獻之之略例韓

混陸希聲胡安國之通例啖助丁副之統例陸淳之

纂例章表微成元孫明復葉夢得吳澂之總例李瑾


之凡例劉敞之說例馮正符之志例劉熙之演例趙

瞻之義例張思伯之刊例王皙之明例陳德寧之新

例王炫之門例李氏之異同例程迥之顯微例石公

孺之類例家鉉翁之序例而梁之簡文帝齊晉安王

子懋皆有例苑刁氏有例序張大亨有例宗杜氏之



淺草之庫

言曰為例之情有五推此以尋經傳王道之正人倫之紀備矣而說公羊者則有五始三科九旨七等六輔二類七缺之義毋乃過於紛綸與涪陵崔彥直嘗與蘇黃諸君子遊知滁州日曾子開曾為作記刻石醉翁亭側其說春秋有經解十二卷本例二十卷建炎中江端友請下湖州取彥直所著春秋傳藏秘書省於是其孫若上之於朝今其經解不可得見而本例獨存其說以為聖人之書編年以為體舉時以為名著日月以為例春秋固有例也而日月之例蓋其本乃列一十六門而皆以日月時例之其義約而該其辭簡而要可謂善學春秋者也題曰西疇居士者

殆書成於晚年罷官之日與  
康熙丙辰納蘭成德容若序

西疇居士春秋本例序

春秋之法以為天下有中外侯國有大小位有尊卑  
 情有疏戚不可得而齊也是故詳中夏而略夷狄詳  
 大國而略小國詳內而略外詳君而略臣此春秋之  
 義而日月之例所從生也著日以爲詳著時以爲略  
 又以詳略之中而著月焉此例之常也然而事固有  
 輕重矣安可不詳所重而略所輕乎其槩所重者日  
 其次者月又其次者時此亦易明爾然而以事之輕  
 重錯於大小尊卑疏戚之間又有變例以爲言者此  
 日月之例至於參差不齊而後世之論所以不能合  
 也今考之春秋之法權事之輕重而著爲之例分其

類而條次之可以具見而不疑若夫事有疑於其例者則備論焉且嘗論聖人之書編年以為體舉時以為名著日月以為例春秋固有例也而日月之例蓋其本也故號本例嗚呼學者苟通乎此則於春秋之義斯過半矣

西疇居士春秋本例卷第一

涪陵崔氏

例目

王門

例日 凡三

師敗

崩

葬

例月 凡四

居

入

狩

殺其弟

王后門

王姬附

例日 凡一

卒

王姬

例月 凡三

逆王后

王后歸

王姬歸

例時 凡一

內逆王姬

王臣門

例日 凡一

卒

例月 凡五

立

奔

救

殺

葬

例時 凡三

來

來求

來聘

凡王事門

例月 凡七

王室亂

來聘

錫命

歸賑

歸贈

使求

會葬

公門

例日 凡七

即位

朝

盟

孫

喪至

薨

葬

例月 凡二十五

會

如

至

在

居

還

復

次

遇

至

以

城

侵 伐 圍 取 追 救  
納 狩 觀 視 平國 成亂  
釋諸侯

子門

例日 凡二

生 卒

夫人門

例日 凡六

入 致 孫 喪至 薨 葬

例月 凡八

公納幣 公逆女 姑逆婦 大夫逆女

至 大夫以夫人至 歸 饗

例時 凡六

會 如 至 大夫納幣 諸侯逆女

大夫宗婦覲

內女門

例日 凡一

卒

例月 凡四

大夫為君逆 歸 執 葬

例時 凡十二

來納幣 大夫自逆 致女 來媵

來 來歸 復歸 遇 逆婦

求婦 朝子 逆喪

內大夫門

例日 凡三

奔 刺 卒

例月 凡二

盟 執

例時 凡二十五

莅盟 會 如 至 來 來歸

還 復 逆 媵 告糴 乞師

墮邑 疆田 城 入邑 侵 伐

圍 取 救 次 戍 歸喪

如葬

宗廟郊祭門

例日 凡十一

立宮 作主 郊 禘 大事 烝

嘗 有事 繹 從祀 納鼎

例月 凡五

考宮獻羽 卜郊 用牲于社

不告月猶朝廟 屋壞

例時 凡二

丹楹 刻桷



内戎事門

例日 凡五

戰

敗

治兵

大閱

焚邑

例月 凡三

作軍

舍軍

作甲

凡内事門

例月 凡三

諸侯來盟

肆眚

邑潰

例時 凡四十九

來盟

來朝

來聘

來會

來言

來言

來求

來輸平

胥命

凡來

以來

逃來

來獻捷

來歸俘

來歸祿

來奔喪

來會葬

侵我

伐我

圍内邑

入内邑

取内邑

取内田

内入邑

内取邑

内取田

歸内田

假田

稅畝

田賦

蒐

狩

乞師

來乞師

平

戍

次

師救

師圍

師還

歸

城

築

作

浚

毀

竊

得

取殺

凡外事門

例日 凡十一

戰 敗 入 滅 國滅以君歸

國君滅 誘殺國君 盜弒國君

執國君用之 弒君 卒

例月 凡十七

諸侯盟 立君 執國君 獲國君

釋國君 國君奔 國君歸 國君入

敗小國 入小國 滅小國 戕國君

國遷 國潰 亡 克 葬

例時 凡四十七

諸侯會 大夫盟 大夫會 相如 如會

如師 乞盟 平 還 次

遇 以 逃歸 大去

小國君奔 小國君入 小國君歸

執小國君 大夫奔 大夫歸

大夫入 叛 殺世子 殺君之子

執世子用之 殺大夫 盜殺大夫

獲大夫 執大夫 放大夫 討賊 侵

伐 圍 取 救 納 降

戍 襲 殲 弃師 取師 遷邑

入郛 城 小國葬

戎狄門

例月 凡八

公與盟 滅中國 入中國 敗中國  
為中國滅 國滅以君歸 弒君 卒

例時 凡十六

中國與盟 中國與戰 為中國敗  
為中國侵 為中國伐 為中國圍

侵中國 伐中國 圍中國 救中國

執歸 誘殺 相滅 相入

相敗 相伐

內災異門

例日 凡六

日食 地震 震電 山崩

星變 災

例月 凡二

雨雪 隕霜

例時 凡十二

有年 無麥禾 李梅實 大水 旱

饑 有蜚 有蜮 多麋

有鸚鵡 有蜃 獲麟

不著例 凡八

星孛 雹 無冰 雨木冰

螟 蝻 雩 不雨

外災異門 凡一

災

例時凡七

大災

火

山崩

大水

雨蝨

隕石

鵙退飛

西疇居士春秋本例卷第一

後學 成德 校訂

西疇居士春秋本例卷第二

涪陵崔氏

王門

例日

師敗

成元年秋王師敗績于茅戎

以時志而知例日者春秋以軍事為重故凡戰敗例

皆日則王師之敗固當日矣王者之師天下莫敢校今戎狄乃能敗之春秋深惡焉故其詞使若王師自敗于彼云爾又特略其事而以時志也

右一變例

崩

隱三年三月庚戌天王崩

桓十五年春三月乙未天王崩

僖八年冬十有一月丁未天王崩

文八年秋八月戊申天王崩

宣二年冬十月乙亥天王崩

成五年冬十有一月己酉天王崩

襄元年秋九月辛酉天王崩

襄二十八年冬十有二月甲寅天王崩

昭二十二年夏四月乙丑天王崩

右九著例

葬

莊三年夏五月葬桓王

其不日蓋譏也譏不及禮而葬也

文九年春二月辛丑葬襄王

宣三年春王正月葬匡王

襄二年春王正月葬簡王

昭二十二年夏六月葬景王

右五著例一變例四

五書葬其不及禮者四何其失禮多耶且凡葬皆以內往葬為

詞春秋九書王崩而書葬五則內之不赴葬者凡四也以天子之葬而諸侯不往會者如此之多則宜其不及禮者亦多也

以見王室之微矣

例月

居

僖二十四年冬天王出居于鄭

王者無外然則天王之出見不能乎其家而出

也其曰出失內之辭爾然於外猶得其所居焉故曰天王出居于鄭也夫貴為天子而不能容其母弟以得罪於母亦甚矣故春秋

通志堂

盡其辭且不  
月以見譏

昭二十二年六月劉子單子以王猛居于皇

王猛非正

例不月此承  
葬景王月

昭二十三年秋七月天王居于狄泉

右三著例一其變例二

入

昭二十二年秋劉子單子以王猛入于王城

入王城不

月知居于皇亦不月者也居入不月  
然後知王猛之非正而春秋譏矣

昭二十六年冬十月天王入于成周

右二著例一其變例一

狩

僖二十八年冬天王狩于河陽

温河陽之邑也晉文始  
霸會諸侯于温而王適

於是時為河陽之狩蓋王實畏晉欲來會之故假狩事以行耳春  
秋不月王之行所以見譏而三家皆謂再致天王諱之似誤矣詳  
其經解

右一變例

殺

襄三十年五月天王殺其弟佞夫

右一著例

王后門

王姬附

例日

卒

莊二年秋七月齊王姬卒

右一 王后外夫人卒葬皆不書王姬由魯嫁猶內女且來赴日卒蓋闕也凡薨卒有不日者皆類此

例月

逆王后

桓八年冬十月祭公來遂逆王后于紀承兩雪月

襄十五年二月劉夏逆王后于齊承盟月王后天下之母而使士逆士

賤非所以逆王后也故不月以見之詳具經解

右二變例

王后歸

桓九年春紀季姜歸于京師自紀言之猶略也

右一變例

王姬歸

莊元年冬十月王姬歸于齊承陳侯卒月

莊十一年冬王姬歸于齊

右二變例 內女歸例月知王姬歸亦例月矣王姬歸不書主我故書齊魯仇讎之國而為之主婚姻雖有天子之命可以辭矣故不月以見譏

天子之命可以辭矣故不月以見譏

例時

逆王姬

莊元年夏單伯逆王姬 齊魯仇讎之國而為之主婚姻雖有天子之命可以辭矣故不月以見譏

見譏逆王姬例月

右一變例

王臣門

例日

卒

隱三年夏四月辛卯尹氏卒

文三年夏五月王子虎卒

昭二十二年冬十月王子猛卒

定四年秋七月劉卷卒

右四著例一其失日三

例月

立

昭二十三年秋七月尹氏立王子朝

右一著例

奔

成十二年春周公出奔晉

凡自周無出周公之出不能平其國而出也周公有國於王畿

矣故特從小國例而不月不月然後知周公不能乎其國而出明矣

襄三十年五月王子瑕奔晉

昭二十六年冬十月尹氏召伯毛伯以王子朝

奔楚

右三著例二其變例一

救

莊六年春王正月王人子突救衛

救例時善其能救衛也故詳志而月之也

右一著例

殺



宣十五年六月王扎子殺召伯毛伯

右一著例

葬

定四年秋七月葬劉文公

右一著例

例時

來

隱元年冬十有二月祭伯來

為天子之大夫而私覲諸侯罪矣故月之以見譏凡

來例時

右一著例

來求

隱三年秋武氏子來求賻

文九年春毛伯來求金

右二著例

來聘

莊二十三年春祭叔來聘

右一著例

凡王事門

例月

王室亂

昭二十二年六月王室亂

右一著例

使來聘

隱七年冬天王使凡伯來聘

隱九年春天王使南季來聘

桓四年夏天王使宰渠伯糾來聘

桓五年夏天王使仍叔之子來聘

桓八年春正月天王使家父來聘 承烝月

僖三十年冬天王使宰周公來聘

宣十年秋天王使王季子來聘

右七變例

以時志而知例月者春秋之例以尊卑為詳略故凡王事未有不月者其不月志者譏也周官時聘以諭諸侯之志則王使來聘蓋可也然終春秋之世周之聘魯者七而魯之臣如京師者五見周之所以交魯之禮厚而魯之所以事周之禮薄而上下皆失之矣春秋之所不與故於內之如京師者不言聘而於王使來聘則去月以見譏

錫命

莊元年冬十月王使榮叔來錫桓公命

文元年夏四月天王使毛伯來錫公命

成八年秋七月天子使召伯來錫公命

右三著例

歸賑

定十四年秋天王使石尚來歸賑

周官歸賑以交諸侯之福則王使歸

賑蓋可也用見周之交魯之禮厚而魯之所以事周之禮薄而上下皆失之矣春秋之所不與故猶不月以見譏與來聘不月同例

右一變例

歸贈

隱元年秋七月天王使宰咺來歸惠公仲子之

贈

文五年春王正月王使榮叔歸含且贈

右二著例

使求

桓十五年春二月天王使家父來求車

右一著例

會葬

文元年二月天王使叔服來會葬

文五年三月王使召伯來會葬

右二著例

西疇居士春秋本例卷第二 後學 成德 校訂

西疇居士春秋本例卷第三

涪陵崔氏

公門

例日

即位

桓元年春王正月公即位

文元年春王正月公即位

宣元年春王正月公即位

成元年春王正月公即位

襄元年春王正月公即位

昭元年春王正月公即位

定元年六月戊辰公即位

哀元年春王正月公即位

右八著例一其變例七

七以月志而知例臣者內之重事例當日也凡君薨

子繼於是即位然則即位當在先君之年嫌一年而二君故於嗣君之年正月書之追治之也見即位者嗣君之始焉爾追治之事不可以日志也定公則異是矣故以日即位日即位其例也

朝

僖二十八年五月癸丑公朝于王所

是年冬壬申公朝于王所有日無月蓋月闕

右二著例

盟

隱元年三月公及邾儀父盟于蔑公始即位不能自信而顧與邾為盟

卒又渝之故不日以見譏公盟例日

隱六年夏五月辛酉公會齊侯盟于艾

隱八年九月辛卯公及莒人盟于浮來

桓元年夏四月丁未公及鄭伯盟于越

桓十二年夏六月壬寅公會杞侯莒子盟于曲

池

是年秋七月丁亥公會宋公燕人盟于穀丘

是年冬十有一月丙戌公會鄭伯盟于武父

桓十七年春正月丙辰公會齊侯紀侯盟于黃

是年二月丙午公會邾儀父盟于越

莊九年春公及齊大夫盟于訖是時齊無君其曰齊大夫衆辭也雖然當其無

通志堂

君可以無盟矣又不正公之釋怨而與仇盟春秋深惡焉故不月與日以見譏

莊十三年冬公會齊侯盟于柯是時魯亦強國而鄰於齊齊欲圖霸而魯數不

會故齊為柯之盟以親魯也齊桓不能修德以來諸侯而顧為私盟以屬魯以桓公為病矣且公前年納其仇不克親與齊戰今乃從而受盟以公亦病矣故不月與日以見譏

莊十六年冬十有二月會齊侯宋公陳侯衛侯

鄭伯許男曹伯滑伯滕子同盟于幽公羊曰公會當從公

羊加公字桓盟不日齊始霸也

莊二十二年秋七月丙申及齊高偃盟于防著日而盟

蓋公盟也不言公大夫不敵也且又喪盟何以不譏譏喪盟例去日去日則無用見其為公盟也春秋欲有所見者不嫌矣詳具經解

莊二十三年冬十有二月甲寅公會齊侯盟于

扈桓盟不日不正齊魯之為是盟復日之以見譏也

莊二十七年夏六月公會齊侯宋公陳侯鄭伯

同盟于幽齊桓始霸也凡桓文之盟不日以著其信

閔元年秋八月公及齊侯盟于落姑桓盟不日

僖五年秋八月諸侯盟于首止桓盟不日

僖七年秋七月公會齊侯宋公陳世子款鄭世

子華盟于甯母桓盟不日

僖八年春王正月公會王人齊侯宋公衛侯許

男曹伯陳世子款盟于洮桓盟不日

僖九年九月戊辰諸侯盟于葵丘桓盟不日以著其信且葵丘之盟束

牲載書而不歃血加五命以令諸侯此桓公之盛而反加日何也周衰之末天下無王諸侯有能行王政而興起者則易然也以桓公之

盛管仲之賢而不能有志乎此乃區區為霸者之政此孔子之門所以小管仲而下桓文雖然當是時攘戎狄安中國九合諸侯免民於左衽之患者桓公之功也春秋與其霸而小其不至於王故於九合之會則信之以著其美而於葵丘之盟則變例以見譏焉然獨於是盟然後見譏何也猶曰桓之盛極此而已無能為矣故譏之也

僖十五年三月公會齊侯宋公陳侯衛侯鄭伯

許男曹伯盟于牡丘

桓盟不日

僖二十一年十有二月癸丑公會諸侯盟于薄

釋宋公

僖二十五年冬十有二月癸亥公會衛子莒慶

盟于洮

僖二十六年春王正月己未公會莒子衛甯速

盟于向

僖二十七年十有二月甲戌公會諸侯盟于宋

僖二十八年五月癸丑公會晉侯齊侯宋公蔡

侯鄭伯衛子莒子盟于踐土

晉文始霸也桓文之盟不日以著其信則此何

以日為下公朝于王所當日也加日於上知既盟而朝同在癸丑之日耳

文二年三月乙巳及晉處父盟

著日而盟蓋公盟也不言公大夫不敵也是又

喪盟何以不譏譏喪盟例去日去日則無用見其為公盟也春秋欲有所見者不嫌矣詳具經解

文三年十有二月己巳公及晉侯盟

文七年秋八月公會諸侯晉大夫盟于扈

是時晉侯新立

故諸侯相與會于晉境而聽事焉晉侯不能親諸侯乃使大夫抗禮而主盟此諸侯之恥而晉之罪也故不敘諸侯不名晉大夫以略之又不以見譏則異乎同盟于新城矣詳具經解

文十三年十有二月乙丑公及晉侯盟

文十四年六月公會宋公陳侯衛侯鄭伯許男曹伯晉趙盾癸酉同盟于新城

文十七年六月癸未公及齊侯盟于穀

宣十七年六月己未公會晉侯衛侯曹伯邾子

同盟于斷道

成二年十有一月丙申公及楚人秦人宋人陳人衛人鄭人齊人曹人邾人郕人盟于

蜀

成三年冬十有一月丙午及荀庚盟于未及孫

良夫盟

此皆聘而後盟也著日而盟知其為公矣不言公大夫不敵也大夫何以不貶彼以賓客之道來我固與之盟

爾其諸類此

成五年十有二月己丑公會晉侯齊侯宋公衛

侯鄭伯曹伯邾子杞伯同盟于蟲牢

成七年八月戊辰同盟于馬陵

救鄭諸侯

成九年春王正月公會晉侯齊侯宋公衛侯鄭

伯曹伯莒子杞伯同盟于蒲

自文宣以來晉楚於是爭盟而伐鄭鄭從晉則

楚師至從楚則晉師至然鄭固欲親中國自宣二年晉宋衛陳之役而鄭之從晉者十年其後蜀之盟楚實合十二國之眾以臨諸侯鄭於是在楚故晉侯伐鄭蟲牢之會鄭伯受盟及蒲之會所以尋前日之盟也鄭固未有罪耳而晉人於秋執鄭伯樂書伐鄭明年衛侵鄭諸侯復伐鄭而鄭亦不賓乍合乍離及楚人一有討於鄭而鄭即甘心於楚蓋怒晉之無信不恤小國之禍而輕辱人君乃與楚比伐許侵宋同撓諸夏凡二十年之間諸侯會盟侵伐城戍曾無虛歲認認然以失鄭為憂是禍也晉有以啓之以不信蒲之盟故也春秋不日其盟所以起其事而見譏焉

成十一年王三月己丑及郤犇盟

聘而後盟

通志堂

成十五年三月癸丑公會晉侯衛侯鄭伯曹伯  
宋世子成齊國佐邾人同盟于戚

成十七年六月乙酉同盟于柯陵伐鄭諸侯

襄三年夏四月壬戌公及晉侯盟于長樗

是年六月公會單子晉侯宋公衛侯鄭伯莒子

邾子齊世子光己未同盟于雞澤

襄七年冬十月壬戌及孫林父盟聘而後盟

襄九年十有二月己亥同盟于戲伐鄭諸侯

襄十一年秋七月己未盟于亳城北伐鄭諸侯

襄十五年二月己亥及向戌盟于劉聘而後盟

襄十九年春王正月諸侯盟于祝柯此圍齊諸侯也諸侯患齊之強

數事侵伐故欲同圍之然而不能而遂為此盟其盟也有不同者矣此邾子所以執也故不與同又不日以見譏焉

襄二十年夏六月庚申公會晉侯齊侯宋公衛

侯鄭伯曹伯莒子邾子滕子薛伯杞伯小邾

子盟于澶淵

襄二十五年秋八月己巳諸侯同盟于重丘會夷儀諸侯

侯

昭十三年八月甲戌同盟于平丘公不與盟會平丘諸侯詳具經解

侯詳具經解

昭二十六年秋公會齊侯莒子邾子杞伯盟于

鄆陵二十五年公孫于齊齊謀納公莒邾杞皆齊之與國故同為鄆陵之盟也且公實有國而不處反因他人以求入而卒以不能鄆陵之盟為不韙矣其不與同以見四國之盟有不同者矣故不月與日以見譏此昭公所以終去如晉也



定四年五月公及諸侯盟于臯鼬

會召陵諸侯也諸侯為蔡之故以侵

楚然終不能為蔡釋怨於楚使蔡去中夏而即夷故明年蔡侯以吳子及楚人戰于柏舉遂復蔡怨故臯鼬之盟不日亦不與同所以譏諸侯之無能為而傷中夏之微也

定十二年冬十月癸亥公會齊侯盟于黃

右五十四著例四十四其變例十

孫

昭二十五年九月己亥公孫于齊

右一著例

喪至

桓十八年夏四月丁酉公之喪至自齊

定元年夏六月癸亥公之喪至自乾侯

右二著例

薨

隱十一年冬十有一月壬辰公薨

桓十八年夏四月丙子公薨于齊

莊三十二年秋八月癸亥公薨于路寢

閔二年秋八月辛丑公薨

僖三十三年十有二月乙巳公薨于小寢

文十八年春王二月丁丑公薨于臺下

宣十八年冬十月壬戌公薨于路寢

成十八年八月己丑公薨于路寢

襄三十一年夏六月辛巳公薨于楚宮

昭三十二年十有二月己未公薨于乾侯

定十五年夏五月壬申公薨于高寢

葬

宣十一年右十一著例

桓十八年冬十有二月己丑葬我君桓公

閔元年夏六月辛酉葬我君莊公

文元年夏四月丁巳葬我君僖公

文十八年六月癸酉葬我君文公

成元年二月辛酉葬我君宣公

成十八年十有二月丁未葬我君成公

襄三十一年冬十月癸酉葬我君襄公

定元年秋七月癸巳葬我君昭公

定十五年九月丁巳葬我君定公

右九著例

西疇居士春秋本例卷第三

後學 成德 校訂

西疇居士春秋本例卷第四  
 涪陵崔氏  
 公門  
 例月  
 會

西疇居士春秋本例卷第四

涪陵崔氏

公門

例月

會

隱二年春公會戎于潛

不正公之會戎且又喪會故不月以見譏

隱九年冬公會齊侯于防

當是時桓公羽父相與謀亂公顧不能靖內難至於身弒而不

知故不月以見譏

隱十年春王二月公會齊侯鄭伯于中丘

隱十一年夏公會鄭伯于時來

桓元年三月公會鄭伯于垂

桓二年三月公會齊侯陳侯鄭伯于稷

桓三年春正月公會齊侯于贏

是年六月公會杞侯于郕

是年九月公會齊侯于謹

桓六年夏四月公會紀侯于郕

桓十年秋公會衛侯于桃丘弗遇

弗有故意衛侯故不欲會公其不月

凡不成會者例不月

桓十一年九月公會宋公于夫鍾

是年冬十有二月公會宋公于闕

桓十二年八月公會宋公于虛

是年冬十有一月公會宋公于龜

桓十四年春正月公會鄭伯于曹

桓十五年五月公會齊侯于艾

桓十六年春正月公會宋公蔡侯衛侯于曹

桓十八年春王正月公會齊侯于濼

莊二十七年春公會杞伯姬于洮

婦人既嫁見兄弟不踰闕而公會伯

姬于洮故不月以見譏

是年冬公會齊侯于城濮

桓文之盟不日桓文之會不月蓋信而安之春秋變例以美二

伯者如此

僖元年八月公會齊侯宋公鄭伯曹伯邾人于

榿桓會不月譏公喪會故加月

僖五年夏公及齊侯宋公陳侯衛侯鄭伯許男

曹伯會王世子于首止桓會不月

僖九年夏公會宰周公齊侯宋子衛侯鄭伯許

男曹伯于葵丘桓會不月

僖十一年夏公及夫人姜氏會齊侯于陽穀桓會不月

不月

僖十三年夏四月公會齊侯宋公陳侯衛侯鄭

伯許男曹伯于鹹桓會不月承葬陳宣公月

僖十六年冬十有二月公會齊侯宋公陳侯衛

侯鄭伯許男邢侯曹伯于淮齊桓之霸凡十二會而孔子獨稱九合諸侯蓋

道其不以兵車而已杜丘之盟陽穀之會淮之會蓋有兵車也是時桓德既衰楚亦內侮伐徐敗婁林之師桓公於是合諸侯以救之又為之伐厲伐英氏以報楚則其有兵車亦明矣故准之會則加月以見譏

僖二十八年冬公會晉侯齊侯宋公蔡侯鄭伯

陳子莒子邾子秦人于温文會不月

文十三年冬衛侯會公于沓公如晉故不月矣詳具經解

是年十有二月鄭伯會公于棐

宣元年夏公會齊侯于平州此喪會故不月以見譏

宣七年冬公會晉侯宋公衛侯鄭伯曹伯于黑

壤是年夏會伐萊秋而至冬又會黑壤春而至其閒大旱之不恤且古者凶荒殺禮簡政今公區區以侵伐期會為急亦不知務矣故不月以見譏

成二年十有一月公會楚公子嬰齊于蜀

成十二年夏公會晉侯衛侯于瑣澤不月蓋譏也然未有見焉春秋

以例著者不疑也不然或月闕耳

成十六年秋公會晉侯齊侯衛侯宋華元邾人

于沙隨不見公是蓋魯有內難故往後期而諸侯不及見公耳不見公故不月也詳具經解

襄五年秋公會晉侯宋公陳侯衛侯鄭伯曹伯

莒子邾子滕子薛伯齊世子光吳人鄆人于

戚春秋尊中國而賤夷狄先吳於鄆諸侯之罪也故不月以見譏

襄七年十有二月公會晉侯宋公陳侯衛侯曹

伯莒子邾子于鄆

襄十年春公會晉侯宋公衛侯曹伯莒子邾子

滕子薛伯杞伯小邾子齊世子光會吳于柤

再言會即吳也吳夷也不正以諸侯之尊即吳而遠會故不月以見譏

襄十一年秋七月會于蕭魚伐鄭諸侯

襄十六年三月公會晉侯宋公衛侯鄭伯曹伯

莒子邾子薛伯杞伯小邾子于溴梁

襄二十一年冬十月公會晉侯齊侯宋公衛侯

鄭伯曹伯莒子邾子于商任

襄二十二年冬公會晉侯齊侯宋公衛侯鄭伯

曹伯莒子邾子薛伯杞伯小邾子于沙隨傳稱會于

沙隨復錮欒氏猶信也前年秋欒盈出奔楚晉私以一大夫之故暮年之間再合諸侯見晉之失正而非所以令諸侯也齊人於是不賓明年伐衛遂伐晉則當時之事可知矣始令猶可再令而譏矣故沙隨之會不月以見之

襄二十四年秋八月公會晉侯宋公衛侯鄭伯

曹伯莒子邾子滕子薛伯杞伯小邾子于夷

儀

襄二十五年夏五月公會晉侯宋公衛侯鄭伯  
曹伯莒子邾子滕子薛伯杞伯小邾子于夷  
儀

襄二十六年夏公會晉人鄭良霄宋人曹人于

澶淵 不正公與大夫會  
故不月以見譏

昭十三年秋公會劉子晉侯齊侯宋公衛侯鄭

伯曹伯莒子邾子滕子薛伯杞伯小邾子于

平丘 八月甲戌同盟于平丘公不與盟是蓋諸侯不肯與公盟  
也諸侯不肯與公盟而曰公不與盟蓋諱之也使若公自  
不盟云爾故不月公之

不行然則是會也亦  
殆矣故不月以見譏

定八年夏公會晉師于瓦 不正公之會晉師  
故不月以見譏

定十年夏公會齊侯于頰谷 頰谷之會齊人伏甲以劫  
我是時孔子相焉而謀以

不行然則是會也亦  
殆矣故不月以見譏

定十四年五月公會齊侯衛侯于牽

哀七年夏公會吳于郕 不正公之會吳  
故不月以見譏

哀十二年夏五月公會吳于橐臯 會吳亦譏也  
承孟子卒月

是年秋公會衛侯宋皇瑗于郕 喪會故不月以見譏然  
後知孟子昭夫人而哀

嫡祖母也

哀十三年夏公會晉侯及吳子于黃池 是時吳實  
主會其曰

會晉及吳主晉而賓吳也辭費矣然而吳子進矣進吳子所以  
傷中國之亡也故不月以見焉猶曰是非中國得意之會云爾

右五十三著例三十二其變例二十一

如

桓十八年春王正月公與夫人姜氏遂如齊

莊二十二年冬公如齊納幣

解具納幣下

莊二十三年夏公如齊觀社

解具觀社下

莊二十四年夏公如齊逆女

解具逆女下

僖十年春王正月公如齊

僖十五年春王正月公如齊

僖三十三年冬十月公如齊

文三年冬公如晉

譏亟朝也凡公如某而不目其事者皆朝也周官之制諸侯有世相朝之禮春秋之

時天下無王霸主更盟故一君有再三朝者春秋權事之宜猶與之至於比年亟朝則為已甚然後譏焉故凡比年亟如皆不月者所以見譏也文二年三月乙巳及晉處父盟此蓋公在晉而盟也傳謂晉人以公不朝來討故公如晉晉使處父盟公以恥之猶信也春秋不書公如晉蓋諱之而於三年譏亟朝則二年之盟公在晉不疑矣

文十三年冬公如晉

下書衛侯會公于杏蓋是時公方修禮于大國而遽與他國私會以為失事盟

主之道故不月以見譏

宣四年秋公如齊

宣五年春公如齊

比年而朝譏亟也

宣九年春王正月公如齊

八年六月夫人熊氏薨然則此喪朝也何以不譏禮庶子為後

為其母總宣公以庶立故春秋不譏喪朝然後知妾母不得稱夫人明矣且下十年兩如齊而此不譏亟朝春秋欲有所見者不嫌也

宣十年春公如齊

譏亟

是年夏四月公如齊

承日食月

成三年夏公如齊

譏亟

成四年夏四月公如晉

承臧孫卒月

成十年秋七月公如晉



成十三年三月公如京師

成十八年春王正月公如晉

譏亟承殺大夫月

襄三年春公如晉

譏亟且喪朝

襄四年冬公如晉

譏亟

襄八年春王正月公如晉

襄十二年冬公如晉

公比年伐鄭出會曾未息肩而又朝于晉夫內奔其國事而區區以侵伐期會

朝聘之為急亦不知務矣故不月以見譏十年伐鄭戍虎牢十一年夏伐鄭盟亳城北秋又伐鄭會蕭魚是也春秋凡此志譏矣

襄二十一年春王正月公如晉

襄二十八年十有一月公如楚

昭二年冬公如晉至河乃復

解具復門

昭五年春王正月公如晉

昭七年三月公如楚

昭十二年夏公如晉至河乃復

昭十三年冬公如晉至河乃復

昭十五年冬公如晉

十二年十三年兩如晉皆不得入見鄙於大國猶不自愧而復朝焉雖不至河

而復猶譏也春秋之義豈遠於人情哉

昭二十一年冬公如晉至河乃復

昭二十三年冬公如晉至河有疾乃復

昭二十七年春公如齊

是時公失國居鄭故凡如齊如晉皆不月以見譏

是年冬十月公如齊

承曹干卒月

昭二十八年王三月公如晉次于乾侯

解具次門

昭二十九年春公如晉次于乾侯

公比如晉而不得入故皆不月也

定三年春王正月公如晉至河乃復

右三十八著例十七其變例二十一

西疇居士春秋本例卷第四

後學 成德 校訂

西疇居士春秋本例卷第五

涪陵崔氏

公門

例月

凡月往則月至不月往則不月至不月往不月至皆譏也唯桓文之例則異是

至

桓二年冬公至自唐

春秋賤桓於桓之事未有譏焉者然此不月至何也春秋之例內地例不致其

致者例不月文十七年至自穀定十三年至自圍成是其例也唐內地

桓十六年秋七月公至自伐鄭

往月

莊六年秋公至自伐衛

往不月

莊二十三年春公至自齊

往不月

是年夏公至自齊

往不月

莊二十四年秋公至自齊不月往

莊二十六年夏公至自伐戎不月往

僖四年八月公至自伐楚桓會不月往為

僖六年冬公至自伐鄭桓會不月往

僖十五年九月公至自會桓會不月往為已卯晦月

僖十七年九月公至自會桓會例不月淮之會譏也故月往而月致詳具經解

僖二十六年冬公至自伐齊不月往

僖二十九年春公至自圍許文會不月往

僖三十三年十有二月公至自齊不月往

文四年春公至自晉不月往

文十四年春王正月公至自晉不月往而月致何也十三年冬公如晉衛侯會

公于春是時公方修禮于大國而遽與他國私會以為失事霸主之道故不月以見譏下書十有二月乙丑公及晉侯盟公還自晉鄭伯會公于非以為卒事于大國然後可與他國會故特月致見卒事而會不譏始往而會者譏耳

是年秋七月公至自會不月往

文十七年秋公至自穀內地例不致其致例不月是時齊方以子叔姬之罪致責于我魯數

求齊盟而不得穀之盟非得意之盟也故特致焉穀內地

宣四年秋公至自齊不月往

宣五年夏公至自齊不月往

宣八年春公至自會不月往

宣九年春王正月公至自齊不月往

宣十年春公至自齊不月往

是年五月公至自齊不月往承陳弒君月

宣十七年秋公至自會

月往而不月致有譏也宣公之立事齊而不事晉豈斷道之會而晉

有責于我乎故不月致以見之

成三年二月公至自伐鄭

往月

是年夏公至自晉

往不月

成四年秋公至自晉

往不月

成六年春王正月公至自會

往月

成七年八月公至自會

不月往而月至承戊辰盟月

成九年春王正月公至自會

往月

成十一年春王三月公至自晉

往至同月

成十三年秋七月公至自伐秦

往月

成十五年三月公至自會

往至同月

成十六年秋公至自會

往不月

是年十有二月公至自會

不月往而月致承季孫盟月

成十七年秋公至自會

往不月

是年十一月公至自伐鄭

不月往而月致為仲嬰齊卒月

成十八年夏公至自晉

往不月

襄三年夏四月公至自晉

不月往而月致承晉盟月

是年秋公至自會

月往而不月致所譏不在往會而在已會蓋不正諸侯為會而乃使大夫主盟故譏

也與淩梁之會不月致同例

襄五年春公至自晉

往不月

是年秋公至自會

往不月

是年十有二月公至自救陳

不月往而月致為行父卒月

襄八年夏公至自晉

月往而不月致是時公在晉而季孫宿會晉侯鄭伯齊人宋人衛人邾人干邢

丘夫魯君在晉而晉侯乃與其大夫會舍君而與臣則季氏專魯而公不得為政可知矣且公以禮出事人然而內不能制其臣外見鄙於大國久留于晉故不月致以見譏

襄十年夏五月公至自會

不月往而月致承滅偃陽月

是年冬公至自伐鄭

不月往

襄十一年秋七月公至自伐鄭

承己未盟月此譏亟伐鄭往至皆不月

是月公至自會

同上譏

襄十三年春公至自晉

不月往

襄十六年夏公至自會

月往而不月致蓋不正諸侯為會而乃使大夫主盟故譏也與雞澤

之盟不月致同例詳具經解

襄十九年春王正月公至自伐齊

月往

襄二十年秋公至自會

月往而不月致公與邾子盟澶淵比至於國而大夫已伐邾矣不正

公之渝盟而亟伐故以見譏也然後知澶淵之盟故不與同明矣

襄二十一年夏公至自晉

月往而不月致豈公如晉朝以謝背盟伐邾之故而晉猶有責

於我乎故以見譏也

襄二十二年春王正月公至自會

往至同月

是年冬公至自會

不月往

襄二十四年冬公至自會

不月往

襄二十五年秋八月公至自會

月往

襄二十九年夏五月公至自楚

昭五年秋七月公至自晉

月往

昭七年九月公至自楚

月往

昭十三年八月公至自會不月往而月致承同盟月

昭十六年夏公至自晉不月往

昭二十六年三月公至自齊居于鄆解具居鄆下

是年秋公至自會居于鄆

昭二十七年春公至自齊居于鄆

是年冬十月公至自齊居于鄆

昭二十九年春公至自乾侯居于鄆

定四年秋七月公至自會月往

定六年二月公至自侵鄭往至同月

定八年王正月公至自侵齊往至同月

是年三月公至自侵齊月往

是年夏公至自瓦不月往

定十年夏公至自頰谷不月往

定十二年十有一月公至自黃月往

是年十有二月公至自圍成往至同月

定十四年五月公至自會往至同月

哀十年五月公至自伐齊往會吳例不月為齊齊悼公月

哀十三年秋公至自會不月往

右七十九著例三十其變例四十九

在

襄二十九年春王正月公在楚

昭三十年春王正月公在乾侯昭公失國在外何不譏正月以存君之辭也

昭三十一年春王正月公在乾侯  
昭三十二年春王正月公在乾侯

右四著例

居

昭二十六年三月公至自齊居于鄆  
日孫故月致昭公自失國往至

皆不月居外亦不月以譏

是年秋公至自會居于鄆

昭二十七年春公至自齊居于鄆

是年冬十月公至自齊居于鄆  
承曹伯卒月

昭二十九年春公至自乾侯居于鄆

右五變例

還

文十三年冬十有二月公還自晉

右一著例

復

昭二年冬公如晉至河乃復  
公朝于晉晉人辭焉故至河乃復凡此志譏也此又

喪朝也

昭十二年夏公如晉至河乃復

昭十三年冬公如晉至河乃復

昭二十一年冬公如晉至河乃復

昭二十三年冬公如晉至河有疾乃復

定三年春王正月公如晉至河乃復  
昭公之不得入于晉亦以數矣

通志堂

定公之復容有故焉春秋亦譏其可譏者而已

右六著例一其變例五

次

莊三年冬公次于滑

是將救紀而不能者也傳曰將謀紀是也次止也公有畏矣故不月以見譏

僖四年三月公會伐楚次于陘

僖十五年三月公會盟牡丘遂次于匡

昭二十五年九月己亥公孫于齊次于陽州

承孫齊月

昭公自失國凡如次居皆不月以譏

昭二十八年春王三月公如晉次于乾侯

承葬曹悼公月

昭二十九年春公如晉次于乾侯

右六著例二其變例四

遇

隱四年夏公及宋公遇于清

莊二十三年夏公及齊侯遇于穀

莊三十年冬公及齊侯遇于魯濟

右三變例

周官有朝覲宗遇會同之禮春秋之時文不足也故皆謂之朝會而所謂遇者特志其相遇而已禮記所謂未及期相見是也當是時諸侯不信期會失時故未有及期而相見者猶詩所謂邂逅相遇云爾凡遇之志皆譏也故不月以見之

至

僖二十六年春王正月公追齊師至鄆弗及

襄十五年夏公救成至遇

公救成而至遇不及乎事也凡春秋不及乎其事者志以略此

公行所以不月也



右二著例一其變例一

以

僖二十六年冬公以楚師伐齊

右一變例解具伐齊下

城

文七年春公伐邾三月甲戌取須句遂城部城甲者之

事而公親之其日兼譏取須句而遂城部也

右一變例

西疇居士春秋本例卷第五

後學 成德 校訂

西疇居士春秋本例卷第六

涪陵崔氏

公門

例月

侵

莊十年二月公侵宋

僖四年春王正月公會齊侯宋公陳侯衛侯鄭

伯許男曹伯侵蔡桓會不月為蔡潰月

定四年三月公會劉子晉侯宋公蔡侯衛侯陳

子鄭伯許男曹伯莒子邾子頓子胡子滕子

薛伯杞伯小邾子齊國夏于召陵侵楚

定六年二月公侵鄭

定八年春王正月公侵齊

是年二月公侵齊

右六著例

伐

隱七年秋公伐邾

公始即位與邾結好而盟今親伐焉不正公之始渝盟而親師故不月以見譏

桓十五年冬十有一月公會宋公衛侯陳侯于

袤伐鄭

桓十六年夏四月公會宋公衛侯陳侯蔡侯伐

鄭

莊五年冬公會齊人宋人陳人蔡人伐衛不正公會四國

之微者以出故不月以見譏

莊九年夏公伐齊納子糾

不正公釋怨而納仇人之子故不月以見譏

莊二十六年春公伐戎

戎未有害於我也而公伐之公不能內治其國而遠事於戎以公為

不知務矣故不月以見譏

是年秋公會宋人齊人伐徐

不正公會兩國之微者以出故不月以見譏

僖四年春王正月公會齊侯宋公陳侯衛侯鄭

伯許男曹伯侵蔡蔡潰遂伐楚

桓會不月為蔡潰月

僖六年夏公會齊侯宋公陳侯衛侯曹伯伐鄭

桓會不月

僖二十一年冬公伐邾

僖二十二年春公伐邾取須句

邾吾之與國也冬伐之春又伐之而取其邑秋

通志堂

又與之戰以內為迫人已甚故不月以見譏

僖二十六年冬公以楚師伐齊取穀公恃遠國之師以伐鄰舅之國

而取其邑致怨之道故不月以見譏

僖三十三年夏四月公伐邾取訾婁

文七年春公伐邾三月甲戌取須句僖二十二年伐邾取須句須句

既復於邾今又伐而取之不正其再取故不月伐而日取邑下兼譏遂城郟故著日也

宣四年春王正月公及齊侯平莒及郟莒人不

肯公伐莒取向

宣七年夏公會齊侯伐萊解具會黑壤下

宣十八年春公伐杞公伐杞不月又不致此有疑者或曰譏也具經解

成三年春王正月公會晉侯宋公衛侯曹伯伐

鄭

成十年五月公會晉侯齊侯宋公衛侯曹伯伐

鄭

成十三年夏五月公自京師遂會晉侯齊侯宋

公衛侯鄭伯曹伯邾人滕人伐秦

成十六年秋公會尹子晉侯齊國佐邾人伐鄭

是時沙隨之會不見公晉人以為怒故伐鄭之役公強與焉此季孫行父所以執也即當時之事言之蓋公不得與伐鄭矣春秋以為恥而諱焉故猶書公伐鄭志其意也春秋之例會以會致伐以伐致各如其事焉今出伐鄭而曰至自會見實未嘗與伐也又不月以見譏

成十七年夏公會尹子單子晉侯齊侯宋公衛

侯曹伯邾人伐鄭

是年冬公會單子晉侯宋公衛侯曹伯齊人邾

人伐鄭

公比年伐鄭今又一歲之間而兩伐鄭春秋以為已甚故皆不月以見譏

襄九年冬公會晉侯宋公衛侯曹伯莒子邾子

滕子薛伯杞伯小邾子齊世子光伐鄭

不月譏喪師是

年五月夫  
人姜氏薨

襄十年秋公會晉侯宋公衛侯曹伯莒子邾子

齊世子光滕子薛伯杞伯小邾子伐鄭

不月譏喪師

襄十一年夏四月公會晉侯宋公衛侯曹伯齊

世子光莒子邾子滕子薛伯杞伯小邾子伐

鄭

承郊月

是年秋七月公會晉侯宋公衛侯曹伯齊世子

光莒子邾子滕子薛伯杞伯小邾子伐鄭

當不以

譏亟伐猶成十七年之譏此承同盟月

哀七年秋公伐邾八月己酉入

解具入邾下

哀十年春王二月公會吳伐齊

會吳之微者譏也承邾子奔月

哀十一年五月公會吳伐齊

亦譏也為甲戌戰月

右三十著例九其變例二十一

圍

僖六年夏公會齊侯宋公陳侯衛侯曹伯伐鄭

圍新城

桓會不月

襄十八年冬十月公會晉侯宋公衛侯鄭伯曹

伯莒子邾子滕子薛伯杞伯小邾子同圍齊

昭二十六年夏公圍成

成內邑是時昭公孫在齊故欲取內邑也夫公實有國而不能制其

臣至於見逐反區區欲取一邑以自營見公之失君道矣故不月以見譏

定十二年十有二月公圍成

右四著例三其變例一

取

隱十年六月辛未取郕辛巳取防

不正公以詐敗人之師旬浹之間而

取二邑故加日以見譏

僖二十二年春公伐邾取須句

僖二十六年冬公以楚師伐齊取穀

僖三十三年夏四月公伐邾取訾婁

文七年春公伐邾三月甲戌取須句

宣四年春王正月公及齊侯平莒及邾莒人不

肯公伐莒取向

齊魯強國以好平兩小國之怨而且不能信不足故又不知自反而復取邑以致怨

於人以為過是宜不月以見譏

右六變例二其四解具伐下

追

莊十八年夏公追戎于濟西

戎過我于濟西未為有罪且亦疆場之事耳而公固

自追之失人君之重故不月以見譏詳具經解

僖二十六年春王正月公追齊師至鄆弗及

右二著例一其變例一

救

莊二十八年秋公會齊人宋人救鄭

不正公會兩國之微者以出故

不月以見譏

成七年秋公會晉侯齊侯宋公衛侯曹伯莒子

邾子杞伯救鄭

春秋不與相侵伐則凡救者可也然陳鄭介二大國之間從楚則晉師至從晉則楚

師至晉楚爭陳鄭以為強弱一救一伐安有常哉然則救鄭非所以為鄭適以怒楚而致戰耳夫羣諸侯而莫益於事者亦春秋所不與故不月以見譏

襄五年冬公會晉侯宋公衛侯鄭伯曹伯齊世

子光救陳

救陳之譏猶成七年救鄭之譏也

襄十五年夏公救成至遇

解具至遇下

右四變例

納

莊九年夏公伐齊納子糾 不正公之釋怨而納讎人之子故不月以見譏

右一變例

狩

桓四年春正月公狩于郎

莊四年冬公及齊人狩于禚

不正公之釋怨而與仇人之微者狩故不月以見譏

右二著例一其變例一

觀

隱五年春公觀魚于棠

凡蒐田之事不言公觀魚稱公與公狩于郎同義知公私行而不與

國人同之也故不月以見譏

莊二十三年夏公如齊觀社

諸侯非民事不越境而公乃如齊觀社又未終母喪

而從宴樂故不月以見譏

右二變例

視朔

文十六年夏五月公四不視朔

右一著例

平國

宣四年春王正月公及齊侯平莒及郟

右一著例

成亂

桓二年三月公會齊侯陳侯鄭伯于稷以成宋

亂

右一著例

釋諸侯

僖二十一年冬十有二月癸丑公會諸侯盟于

薄釋宋公

右一著例

右凡公躬行之事無時以時志者譏也春秋賤

桓於桓之事無譏故六盟十二會二至二伐

一如一狩即位薨葬喪至皆以例書蓋曰桓

弟弑兄臣弑君而立乎其位此其大者不治

則其餘無足譏焉耳

子門

例日

生

桓六年九月丁卯子同生

右一著例

卒

莊三十二年冬十月己未子般卒

文十八年冬十月子卒

襄三十一年秋九月癸巳子野卒

右三著例二其失日一十二會二至二致

西疇居士春秋本例卷第六

後學 成德 校訂

西疇居士春秋本例卷第七

涪陵崔氏

夫人門

例日

入

莊二十四年八月丁丑夫人姜氏入

右一著例

致

僖八年秋七月禘于太廟用致夫人

致猶致女也父母家之辭也蓋

齊女先妾耳而致之為夫人非禮矣故去氏姓以見之且致夫人重事例當日其不日猶曰妾非所以為夫人故不以尊禮舉之也

詳具經解



孫

右一變例

莊元年三月夫人孫于齊

君夫人諱奔猶曰孫位而去云爾夫人孫重事例當日夫人久

在齊不可以日致也詳具經解

閔二元九月夫人姜氏孫于邾

其不日以罪略之蓋曰夫人有罪不以尊禮舉

之也文姜猶是致也

右二變例

喪至

僖元年十有二月丁巳夫人氏之喪至自齊

右一著例

薨

隱二年十有二月乙卯夫人子氏薨

莊二十一年秋七月戊戌夫人姜氏薨

僖元年秋七月戊辰夫人姜氏薨于夷

文四年冬十有一月壬寅夫人風氏薨

文十六年秋八月辛未夫人姜氏薨

宣八年夏六月戊子夫人嬴氏薨

襄二年夏五月庚寅夫人姜氏薨

襄四年秋七月戊子夫人妣氏薨

襄九年五月辛酉夫人姜氏薨

昭十一年五月甲申夫人歸氏薨

定十五年秋七月壬申似氏卒

哀十二年夏五月甲辰孟子卒

右十二著例

葬

莊二十二年春王正月癸丑葬我小君文姜

僖二年夏五月辛巳葬我小君哀姜

文五年春三月辛亥葬我小君成風

文十七年夏四月癸亥葬我小君聲姜

宣八年冬十月己丑葬我小君敬嬴

襄二年秋七月己丑葬我小君齊姜

襄四年八月辛亥葬我小君定姒

襄九年秋八月癸未葬我小君穆姜

昭十一年九月己亥葬我小君齊歸

定十五年九月辛巳葬定姒

右十著例

例月

公納幣

莊二十二年冬公如齊納幣

故不月以見譏

右一變例

公逆女

莊二十四年夏公如齊逆女

母喪而圖婚然則親迎祇以爲罪也故不月以見譏

春秋譏不親迎公於齊則有父讎之弗報於內則有

夫人逆婦

右一變例

文四年夏逆婦姜于齊

譏姑逆也  
解具經解

右一變例

大夫逆女

桓三年秋七月公子翬如齊逆女

承日食月春秋之  
例逆夫人例月以

為有國之重事惟不正其使大夫逆然後不月以見  
譏桓無譏然則公子翬逆女猶月者也詳具經解

宣元年春王正月公子遂如齊逆女

承即位月不特  
譏使大夫逆又

譏喪  
娶

成十四年秋叔孫僑如如齊逆女

禮有親迎不正使  
大夫逆故不月以

見  
譏

右三變例

至

始至

桓三年九月夫人姜氏至自齊

右一著例

大夫以夫人至

宣元年三月遂以夫人婦姜至自齊

成十四年九月僑如以夫人婦姜氏至自齊

右二著例

歸

文十八年冬十月夫人姜氏歸于齊

右一著例

鄉食

莊四年春王二月夫人姜氏饗齊侯于祝丘

饗兩君之

禮重事例當月

右一著例

例時

會

莊二年冬十有二月夫人姜氏會齊侯于禚

為宋公卒

月

莊七年春夫人姜氏會齊侯于防

是年冬夫人姜氏會齊侯于穀

僖十七年秋夫人姜氏會齊侯于卞

右四著例

如

莊五年夏夫人姜氏如齊師

莊十五年夏夫人姜氏如齊

莊十九年秋夫人姜氏如莒

莒魯蓋婚姻之國故夫人如莒夫人如莒非禮也是

加月以見譏者然公子結遂及齊侯宋公盟故不月矣先事故不月後事亦不得而月二十年二月夫人如莒加月以譏是其例

莊二十年春王二月夫人姜氏如莒

文九年春夫人姜氏如齊

右五著例三其變例二

至

文九年三月夫人姜氏至自齊

此出姜也十八年歸于齊者是也夫人不允于

通志堂

魯故終以見出是行也夫人其有不允之證乎臣子殆其往而喜其反故致之不然夫人之行不致也故加月重錄之見臣子以是為危矣

右一變例

大夫納幣

文二年冬公子遂如齊納幣

右一著例

諸侯送女

桓三年九月齊侯送姜氏于謹為公會月

右一著例

大夫宗婦覲

莊二十四年八月戊寅大夫宗婦覲用幣大夫之婦同宗

者也宗婦覲淺事也例當時而以日志所以致譏乎用幣焉爾

右一變例

內女門

例日

卒

莊四年三月紀伯姬卒

莊二十九年冬十有二月紀叔姬卒

僖九年秋七月乙酉伯姬卒

僖十六年夏四月丙申鄆季姬卒

文十二年二月庚子子叔姬卒

成八年冬十月癸卯杞叔姬卒

右六著例四其失日者二

例月

大夫為君逆

隱二年九月紀裂繻來逆女

右一著例

歸

隱二年冬十月伯姬歸于紀

隱七年春王三月叔姬歸于紀

莊二十五年六月伯姬歸于杞

僖十五年秋九月季姬歸于鄆

成九年二月伯姬歸于宋

右五著例

執

文十四年冬齊人執子叔姬子叔姬與單伯有罪於齊者也執內大夫例月知執

內女亦例月矣其不月以譏內也

右一變例

葬

莊四年夏六月乙丑齊侯葬紀伯姬凡內女為諸侯夫人然後卒葬

諸侯例月知夫人葬亦例月也此加日而葬隱之也亡國之葬也詳具經解

莊三十年八月癸亥葬紀叔姬加日以葬隱之也亡國之葬也

襄三十年秋七月葬宋共姬

右三著例一其變例二

例時

來納幣

成八年夏宋公使公孫壽來納幣

右一著例

大夫自逆

莊二十七年冬莒慶來逆叔姬

宣五年秋九月齊高固來逆叔姬為叔孫卒月

右二著例

大夫致女

成九年夏季孫行父如宋致女

右一著例

來勝

成八年冬十月衛人來勝承祀叔姬卒月

成九年夏晉人來勝

成十年五月齊人來勝承公會月

右三著例

來

莊二十七年冬杞伯姬來

僖二十八年秋杞伯姬來

宣五年冬齊高固及子叔姬來

右三著例

來歸

文十五年十有二月齊人來歸子叔姬子叔姬有罪齊人使

致責于我而後歸之故加月以見譏

宣十六年秋郊伯姬來歸

成五年春王正月杞伯姬來歸四年杞伯來朝而五年叔姬來歸杞伯之來告

絕叔姬也且杞伯來朝而告絕知杞之有辭矣以叔姬之來歸為內過故加月以見譏

右三著例一其變例二

歸復歸

莊十二年春王三月紀叔姬歸于鄆豈紀季以鄆入齊是時叔姬來

魯乎故今歸于鄆也不書其來閔之也書其歸喜復其所也故詳錄而加月詳具經解

右一變例

遇

僖十四年夏六月季姬及鄆子遇于防使鄆子

來朝凡遇之志故譏也此又謹錄而加月

右一變例

來逆婦

僖二十五年夏宋蕩伯姬來逆婦

右一著例

來求婦

僖三十一年冬杞伯姬來求婦

右一著例

來朝子

僖五年春杞伯姬來朝其子



來逆喪

右一著例

成九年春王正月杞伯來逆叔姬之喪以歸為公會月

右一著例

西疇居士春秋本例卷第七

後學 成德 校訂

西疇居士春秋本例卷第八

涪陵崔氏

內大夫門

例日

奔

閔二年九月公子慶父出奔莒

內大夫奔例日謹有罪也是時慶父與夫人同惡蓋同日而出奔夫人先故不日慶父不得後日也慶父不日然後知與夫人同日奔矣然慶父之罪不患不見

文八年冬十月公孫敖如京師不至而復丙戌

奔莒

宣十八年冬十月壬戌歸父還自晉至笙遂奔

齊

襄二十三年冬十月乙亥臧叔紇出奔邾

昭十二年冬十月公子慙出奔齊慙之奔不日蓋見其非罪也

成十六年冬十月乙亥叔孫僑如出奔齊

右六著例四其變例二

刺

僖二十八年春公子買戍衛不卒戍刺之刺大夫例日謹

有罪也以罪刺者不言其事言其事者有託也故不日以見譏詳具經解

成十六年十有二月乙酉刺公子偃

右二著例一其變例一

卒

隱元年冬十有二月公子益師卒失日

隱五年冬十有二月辛巳公子彊卒

隱八年冬十有二月無駭卒失日

隱九年三月庚辰挾卒

莊三十二年秋七月癸巳公子牙卒

僖十六年三月壬申公子季友卒

是年秋七月甲子公孫茲卒

文十年春王三月辛卯臧孫辰卒

文十四年秋九月甲申公孫敖卒于齊

宣五年秋九月叔孫得臣卒失日

宣八年六月辛巳仲遂卒于垂

宣十七年冬十有一月壬午公弟叔肝卒

成四年夏四月甲寅臧孫許卒

成十五年三月乙巳仲嬰齊卒

成十七年冬十有一月壬申公孫嬰齊卒于狸

蚤

襄五年十有二月辛未季孫行父卒

襄十九年八月丙辰仲孫蔑卒

襄二十二年秋七月辛酉叔老卒

襄二十三年八月己卯仲孫速卒

襄三十一年秋九月己亥仲孫羯卒

昭四年冬十有二月乙卯叔孫豹卒

昭七年十有二月癸未季孫宿卒

昭十五年二月癸酉叔弓卒

昭二十一年八月乙亥叔輒卒

昭二十三年春王正月癸丑叔鞅卒

昭二十四年春王二月丙戌仲孫矍卒

昭二十五年冬十月戊辰叔孫婁卒

昭二十九年夏四月庚子叔倪卒

定五年秋七月壬子叔孫不敢卒

哀三年秋七月丙子季孫斯卒

右三十著例二十七其失日者三

例月

盟

隱元年九月及宋人盟于宿

桓十一年九月柔會宋公陳侯蔡叔盟于折

莊十九年秋公子結媵陳人之婦于鄆遂及齊

侯宋公盟

公子結不終媵事抗二君之盟卒致三國之師故不月以見譏詳具經解

僖十九年冬會陳人蔡人楚人鄭人盟于齊

盟于

齊主齊與盟也是時齊桓既卒宋襄圖霸以劫諸侯蓋諸侯不肯從宋而後為齊之盟所以未忘桓公之功也春秋善是盟故亦信而不月猶之桓公之志爾傳謂陳穆公請修好於諸侯以無忘齊桓之德猶信也

僖二十九年夏六月會王人晉人宋人齊人陳

人蔡人秦人盟于翟泉

文二年夏六月公孫敖會宋公陳侯鄭伯晉士

穀盟于垂隴

文八年冬十月壬午公子遂會晉趙盾盟于衡

雍乙酉公子遂會雜戎盟于暴

大夫盟例月此特加日譏遂之專盟

見四日之間不能復命而再出會故兩日以見之欲志乙酉故不得不先志壬午也

文十年秋七月及蘇子盟于女栗

離盟不月此承不兩月

文十六年春季孫行父會齊侯于陽穀齊侯弗

及盟

齊侯弗及盟者故也

是年六月戊辰公子遂及齊侯盟于鄆丘

是時齊強魯弱

齊人方責子叔姬之罪魯再受兵諸侯不能救大夫求盟而不得公又有疾魯於是病矣鄆丘之會以得齊盟為喜故詳錄而加日與仲孫速會莒人盟于向加日同例

成元年夏臧孫許及晉侯盟于赤棘

離盟

成二年秋七月齊侯使國佐如師己酉及國佐

盟于表婁

大夫盟不以日志此嫌國佐如師而遂與之盟且以見自鞍至於表婁縣地五百里自癸酉至于己酉歷三十有七日然後得盟以迫齊為已甚故日志以見譏也

成十六年十有二月乙丑季孫行父及晉卻犇

盟于扈

是時叔孫僑如為難故晉人使公不得與伐鄭而行父見執公彷徨于外以求自明僅能使僑如見逐季孫受盟喜釋執而免乎難故詳錄而加日

成十八年十有二月仲孫蔑會晉侯宋公衛侯

邾子齊崔杼同盟于虛朶

襄三年六月戊寅叔孫豹及諸侯之大夫及陳

袁僑盟

是時已未諸侯同盟矣及袁僑如會而大夫又與之盟夫諸侯已盟則大夫可無盟矣然而又盟見大夫之張也故特加日以見譏

襄十六年三月戊寅大夫盟

是時諸侯會溴梁而大夫專盟見大夫之益張也故特加日以見譏然後知雞澤之盟譏其漸矣

襄二十年春王正月辛亥仲孫速會莒人盟于

向

莒魯之怨自屬鄆始其後莒與齊邾比以為吾患魯無歲不受兵及仲孫速之為此盟然後兵怨始解幾二十年莒魯不交兵則是盟也實國之所喜故詳錄而加日餘具經解

襄二十七年秋七月辛巳豹及諸侯之大夫盟

于宋

加日猶雞澤溴梁之盟耳

昭十一年夏五月仲孫矍會邾子盟于禚祥

離盟不月

定三年冬仲孫何忌及邾子盟于拔

離盟

哀二年春王二月癸巳叔孫州仇仲孫何忌及

邾子盟于句繹

先君之季年邾子來朝已而又來奔喪於我亦厚矣而魯乃比年有事於邾今又三

卿大舉而伐之取沂鄆田要其君而與之盟明年又復渝盟而圍其國則魯之於邾為已甚故特加日以見譏

右二十一著例五其變例十二其離盟四

執

文十四年冬齊人執單伯

單伯如齊而見執不稱行人以為失奉使之道故不月以見譏

成十六年九月晉人執季孫行父舍之于茗丘

昭十三年八月晉人執季孫意如以歸

昭二十三年春王正月晉人執我行人叔孫婼

右四著例三其變例一

例時

莅盟

僖三年冬公子友如齊莅盟

文七年冬公孫敖如莒莅盟

昭七年三月叔孫婼如齊莅盟

承公如楚月

定十一年冬叔還如鄭莅盟

右四著例

會

莊十四年冬單伯會齊侯宋公陳侯衛侯鄭伯

于鄆

文元年秋公孫敖會晉侯于戚

文十一年夏叔仲彭生會晉卻缺于承筐

文十六年春季孫行父會齊侯于陽穀

宣十四年冬公孫歸父會齊侯于穀

宣十五年春公孫歸父會楚子于宋

是年秋仲孫蔑會齊高固于無婁

成五年夏叔孫僑如會晉荀首于穀

成十五年冬十有一月叔孫僑如會晉士燮齊

高無咎宋華元衛孫林父鄭公子鮑邾人會

吳于鍾離

吳遠會故加月以見譏

再言會吳即吳也吳遠中國未嘗與中國會諸大夫欲往會之故於彼即吳也不正以中國之衆即

襄二年秋七月仲孫蔑會晉荀瑩宋華元衛孫

林父曹人邾人于戚

為葬小君月

是年冬仲孫蔑會晉荀瑩齊崔杼宋華元衛孫

林父曹人邾人滕人薛人小邾人于戚

襄五年夏仲孫蔑衛林父會吳于善道

襄八年夏季孫宿會晉侯鄭伯齊人宋人衛人

邾人于邢丘

襄十四年春王正月季孫宿叔老會晉士匄齊

人宋人衛人鄭公孫薑曹人莒人邾人滕人

薛人杞人小邾人會吳于向

加月猶鍾離之會譏也

是年冬季孫宿會晉士匄宋華閱衛孫林父鄭

公孫薑莒人邾人于戚

襄十九年冬叔孫豹會晉士匄于柯

襄二十七年夏叔孫豹會晉趙武楚屈建蔡公

孫歸生衛石惡陳孔奐鄭良霄許人曹人于

宋

昭元年春王正月叔孫豹會晉趙武楚公子圍

齊國弱宋向戌衛齊惡陳公子招蔡公孫歸

生鄭罕虎許人曹人于虢

承即位月

昭九年春叔弓會楚子于陳

昭十一年秋季孫意如會晉韓起齊國弱宋華

亥衛北宮它鄭罕虎曹人杞人于厥憇

昭二十五年夏叔詣會晉趙鞅宋樂大心衛北

宮喜鄭游吉曹人滕人薛人小邾人于黃父

昭三十一年春王正月季孫意如會晉荀櫟于

適歷

承公在乾侯月

哀六年夏叔還會吳于柤

右二十三著例二十一其變例二

西疇居士春秋本例卷第八

後學 成德 校訂



四

春秋本例卷九

三

鄧珍

西疇居士春秋本例卷第九

涪陵崔氏

内大夫門

例時

如

莊二十五年冬公子友如陳

莊二十七年秋公子友如陳葬原仲

莊三十二年冬十月公子慶父如齊承子 卒月

僖五年夏公孫茲如牟

僖七年秋七月公子友如齊承盟 寧母月

僖十三年冬公子友如齊

春秋本例卷九

通志堂

僖二十八年秋公子遂如齊

僖三十年冬公子遂如京師遂如晉

僖三十一年春公子遂如晉

文元年夏四月叔孫得臣如京師承葬僖公月

是年冬十月公孫敖如齊承楚弒君月

文五年夏公孫敖如晉

文六年夏季孫行父如陳

是年冬十月公子遂如晉為葬晉襄月

文九年二月叔孫得臣如京師為葬襄王月

文十一年秋公子遂如宋

文十四年冬單伯如齊

文十五年秋季孫行父如晉

文十七年冬公子遂如齊

文十八年秋公子遂叔孫得臣如齊

是年冬十月季孫行父如齊承子卒月

宣元年夏季孫行父如齊

是年夏公子遂如齊

宣九年夏仲孫蔑如京師

宣十年六月公孫歸父如齊為葬齊惠公月

是年秋季孫行父如齊

是年冬公孫歸父如齊

宣十八年秋七月公孫歸父如晉承楚子卒月

成五年春王正月仲孫蔑如宋

承叔姬來歸月

成六年夏六月公孫嬰齊如晉

為鄭伯卒月

是年冬季孫行父如晉

成十一年夏季孫行父如晉

是年秋叔孫僑如如齊

襄二年秋七月叔孫豹如宋

承葬小君月

襄四年夏叔孫豹如晉

襄六年冬叔孫豹如邾

是年季孫宿如晉

襄七年秋季孫宿如衛

襄九年夏季孫宿如晉

襄十六年冬叔孫豹如晉

襄十九年春王正月季孫宿如晉

承祝柯盟月

襄二十年秋叔老如齊

是年冬十月季孫宿如宋

承日食月

襄二十四年春叔孫豹如晉

是年冬叔孫豹如京師

襄二十八年秋八月仲孫羯如晉

承大雩月

襄二十九年冬仲孫羯如晉

襄三十年秋七月叔弓如宋

為葬共姬月

昭二年夏叔弓如晉

是年冬季孫宿如晉

昭三年夏叔弓如滕

昭六年夏季孫宿如晉

是年冬叔弓如楚

昭九年秋仲孫矍如齊

昭十年九月叔孫婞如晉

為葬晉平公月

昭十一年春王二月叔弓如宋

為葬宋平公月

昭十六年九月季孫意如如晉

承大零月

昭二十二年六月叔鞅如京師

為葬景王月

昭二十三年春王正月叔孫婞如晉

為叔鞅卒月

昭二十五年春叔孫婞如宋

定十年秋叔孫州仇如齊

哀五年冬叔還如齊

右六十二著例

至

文十五年六月單伯至自齊

承日食月

昭十四年春意如至自晉

昭二十四年春王二月婞至自晉

承仲孫矍卒月

右三著例

來

閔元年冬齊仲孫來

右一著例

來歸

閔元年秋八月季子來歸

承公盟月

右一著例

還

宣十八年冬十月歸父還自晉

承公薨月

右一著例

復

文八年冬十月公孫敖如京師不至而復

為奔莒月

宣八年夏六月公子遂如齊至黃乃復

為有事月

右二著例

媵

莊十九年秋公子結媵陳人之婦于鄆

右一著例

告糴

莊二十八年冬臧孫辰告糴于齊

右一著例

乞師

僖二十六年夏公子遂如楚乞師

右一著例

墮邑

定十二年夏叔孫州仇帥師墮郕

是年夏季孫斯仲孫何忌帥師墮費

右二著例

疆田

昭元年秋叔弓帥師疆鄆田

右一著例

城

文十二年冬十有二月季孫行父帥師城諸及

鄆承戰月

襄二年冬仲孫蔑會晉荀瑩齊崔杼宋華元衛

孫林父曹人邾人滕人薛人小邾人于戚遂

城虎牢

襄十五年夏季孫宿叔孫豹帥師城成郛

襄二十九年夏五月仲孫羯會晉荀盈齊高止

宋華定衛世叔儀鄭公孫段曹人莒人滕人

薛人小邾人城杞承公至月

昭三十二年冬仲孫何忌會晉韓不信齊高張

宋仲幾衛世叔申鄭國參曹人莒人薛人杞

人小邾人城成周

哀三年五月季孫斯叔孫州仇帥師城啓陽承桓

宮火月

右六著例

入邑

襄十二年春王正月季孫宿帥師救郕遂入鄆

宿受命救郕而遂入鄆見政之逮大夫也故加月以見譏

侵

右一變例

僖四年冬十有二月公孫茲帥師會齊人宋人

衛人鄭人許人曹人侵陳

伐楚之役齊有怒于陳執袁濤塗與江黃伐之矣陳

雖有罪執其人伐其國可也今又合七國之衆而侵之以齊桓責人為已甚故加月以見譏

成六年秋仲孫蔑叔孫僑如帥師侵宋

襄二十四年春仲孫羯帥師侵齊

定八年九月季孫斯仲孫何忌帥師侵衛承葬陳懷公月

右四著例三其變例一

伐

隱四年秋翬帥師會宋公陳侯蔡人衛人伐鄭

隱十年夏翬帥師會齊人鄭人伐宋

桓十二年十有二月及鄭師伐宋為戰于宋月

桓十七年秋八月及宋人衛人伐邾承葬蔡桓侯月

莊二年夏丁慶父帥師伐於餘丘

莊三年春王正月溺會齊師伐衛衛侯得罪天子而奔齊為之伐衛以

納朔而溺往會之故加月以見譏

莊十四年夏單伯會伐宋

僖三十三年秋公子遂帥師伐邾

文三年春王正月叔孫得臣會晉人宋人陳人

衛人鄭人伐沈為沈潰月

文十四年春王正月叔彭生帥師伐邾承公至月

宣十年秋公孫歸父帥師伐邾

宣十一年夏公孫歸父會齊人伐莒

成八年冬十月叔孫僑如會晉士燮齊人邾人

伐邾承叔姬

襄十四年夏四月叔孫豹會晉荀偃齊人宋人

衛北宮括鄭公孫薑曹人莒人邾人滕人薛

人杞人小邾人伐秦承衛侯

襄十六年五月叔老會鄭伯晉荀偃衛甯殖宋

人伐許承地

襄二十年秋仲孫速帥師伐邾

昭十年秋七月季孫意如叔弓仲孫矍帥師伐

莒承晉侯

哀元年冬仲孫何忌帥師伐邾

哀二年春王二月季孫斯叔孫州仇仲孫何忌

帥師伐邾為邾子

右十九著例十八其變例一

圍

成三年秋叔孫僑如帥師圍棘

襄元年春王正月仲孫蔑會晉欒黶宋華元衛

甯殖曹人莒人邾人滕人薛人圍宋彭城承即位月

昭十三年春叔弓帥師圍費

定六年冬季孫斯仲孫何忌帥師圍鄆



定十年夏叔孫州仇仲孫何忌帥師圍郟

是年秋叔孫州仇仲孫何忌帥師圍郟

哀三年冬十月叔孫州仇仲孫何忌帥師圍邾

承秦伯  
卒月

右七著例

取

宣十年秋公孫歸父帥師伐邾取繹

右一著例

救

僖十五年三月公孫敖帥師及諸侯之大夫救

徐承杜丘  
盟月

文九年三月公子遂會晉人宋人衛人許人救

鄭承夫人  
至月

襄十二年春王三月季孫宿帥師救郟為遂入  
郟月

襄二十三年八月叔孫豹帥師救晉為下已  
卯月

右四著例

次

襄元年夏仲孫蔑會齊崔杼曹人邾人杞人次

于郟

襄二十三年八月叔孫豹帥師救晉次于雍榆

受命救晉畏齊不進止于  
雍榆故此加月以見譏

右二著例一其變例一

成

僖二十八年春公子買戍衛

右一著例

歸喪

文十五年夏齊人歸公孫敖之喪

右一著例

如葬

莊一十七年秋公子友如陳葬原仲

右一著例

西疇居士春秋本例卷第九 後學 成德 校訂

西疇居士春秋本例卷第十

涪陵崔氏

宗廟郊祭門

例日

立宮

成六年二月辛巳立武宮

定元年九月立煬宮

立煬宮譏也故不日以見之

右二著例一其變例一

作主

文二年春王二月丁丑作僖公主

右一著例

郊

成十七年九月辛丑用郊

定十五年夏五月辛亥郊

哀元年夏四月辛巳郊

右三著例

禘

閔二年夏五月乙酉吉禘于莊公

僖八年秋七月禘于太廟用致夫人

譏致夫人故不日解具致夫人下

右二著例一其變例一

大事

文二年八月丁卯大事于太廟躋僖公

右一著例

烝

桓八年春正月己卯烝

是年夏五月丁丑烝

右二著例

嘗

桓十四年秋八月乙亥嘗

右一著例

有事

宣八年夏六月辛巳有事于太廟

昭十五年二月癸酉有事于武宮

釋

右二著例

宣八年夏六月壬午猶繹

右一著例

右立宮作主郊禘凡宗廟之祭皆有國之常事  
常事不書有譏焉則書凡書譏也故於日月  
之例無變焉然後知春秋之日月不以例著  
者皆以示譏其足以知乎譏者不變也

從祀

定八年冬從祀先公

此魯禮之復正者其不日何也非常祀  
也是時陽虎欲為亂故順祀先公而祈  
焉春秋以為其所有事者無足道也吾志其從  
祀而已故特略而時志之且以志陽虎之偽也

右一變例

納鼎

桓二年夏四月取郕大鼎于宋戊申納于太廟

右一著例

例月

考宮獻羽

隱五年九月考仲子之宮初獻六羽

右一著例

卜郊

卜牛 牛傷 免牲 免牛 三望附

僖三十一年夏四月卜郊不從乃免牲猶三

望

宣三年春王正月郊牛之口傷改卜牛牛死乃

不郊猶三望

成七年春王正月鼯鼠食郊牛角改卜牛鼯鼠

又食其角乃免牛夏五月不郊猶三望

成十年夏四月五卜郊不從乃不郊

襄七年夏四月三卜郊不從乃免牲

襄十一年夏四月四卜郊不從乃不郊

定十五年春王正月鼯鼠食郊牛牛死改卜牛

哀元年春王正月鼯鼠食郊牛改卜牛

右八著例

用牲于社

于門附

莊二十五年六月辛未朔日有食之鼓用牲于

社

是年秋大水鼓用牲于社于門

莊三十年九月庚午朔日有食之鼓用牲于社

文十五年六月辛丑朔日有食之鼓用牲于社

右四

凡大祀例日則次祀例當月此非常祀當去月以見譏唯秋大水不加月是其例餘皆承日食月

不告月猶朝于廟

文六年閏月不告月猶朝于廟

右一著例

大室屋壞

文十三年秋七月大室屋壞

右一著例

例時

丹楹

莊二十三年秋丹桓公楹

右一著例

刻桷

莊二十四年春王三月刻桓公桷

為葬桓公月

右一著例

內戎事門

例日

戰

桓十年冬十有二月丙午齊侯衛侯鄭伯來戰

于郎

桓十二年冬十有二月及鄭師伐宋丁未戰于

宋

桓十三年春二月公會紀侯鄭伯己巳及齊侯

宋公衛侯燕人戰齊師宋師衛師燕師敗績

桓十七年夏五月丙午及齊師戰于奚

莊九年八月庚申及齊侯戰于乾時我師敗績

僖二十二年秋八月丁未及邾人戰于升陘

成二年六月癸酉季孫行父臧孫許叔孫僑如

公孫嬰齊帥師會晉郟克衛孫良夫曹公子

首及齊侯戰于鞍齊師敗績

右七著例

敗

隱十年六月壬戌公敗宋師于菅

莊十年春王正月公敗齊師于長勺

不正公一歲而兩敗人之師故

不日以見譏

是年六月公敗宋師于乘丘

詐戰而勝曰敗某師雖然有勝矣豈君子之所尚乎

不正公不旬月之間而兩敗人之師故皆不日以見譏

莊十一年夏五月戊寅公敗宋師于鄆

僖元年九月公敗邾師于偃

是喪師故不日以見譏

是年冬十月壬午公子友帥師敗莒師于鄆

昭五年秋七月戊辰叔弓帥師敗莒師于蚡泉

右七著例四其變例三

治兵

莊八年春王正月甲午治兵

右一著例

大閱

桓六年秋八月壬午大閱

右一著例

焚邑 火攻也

桓七年春二月己亥焚咸丘

右一著例

例月

作軍

襄十一年春王正月作三軍

戎事例日此不日  
以見譏詳具經解

右一著例

舍軍

昭五年春王正月舍中軍

戎事例日此不日  
以見譏詳具經解

右一著例

作甲

成元年三月作丘甲

戎事例日此不日  
以見譏詳具經解

右一著例

凡內事門

例月

諸侯來盟

襄二十九年夏五月杞子來盟

右一著例

肆眚

莊二十二年春王正月肆大眚

右一著例

邑潰

昭二十九年冬十月鄆潰

右一著例

西疇居士春秋本例卷第十 後學 成德 校訂




春秋本例卷一  
宣公二十六年春王正月  
公及夫人會于平陸  
公及夫人會于平陸

宣公二十六年春王正月  
公及夫人會于平陸  
公及夫人會于平陸

宣公二十六年春王正月  
公及夫人會于平陸  
公及夫人會于平陸

宣公二十六年春王正月  
公及夫人會于平陸  
公及夫人會于平陸



[The left page is mostly blank with some faint bleed-through from the reverse side and significant physical damage, including a large tear at the bottom left corner.]

